

نامهٔ دومِ پولس رسول و کلیسیا قُرنَتُس

وابی تا نه و ځمون، بلکم و ځیدی توکل کینیم که مُرده‌یله زنده ایکنه. ^{۱۰} خدا ایما نه و ابطو خطرِ مرگ و باری نجات دا و نجات اییه. اِمیډمون و وُنه، که اُمیلا ایما نه نجات اییه، ^{۱۱} ایشا هم بایس بی دعا کیمکون کینیت. تا خیلیل، و خاطر ایما شکر کین، و خاطر او برکتی که مینه جواب دِعا یل خیلیل و مون دایه وایی.

عوض وایی یین برنامه سفر پولس

^{۱۲} سی ځکه افتخار ایما، گواپی وجدانمونه و ځکه رفتارمون مینه دنیا و مخصوصاً نسوت و ایشا، بی ساده‌ای و روراسی خدای بییه. نه بی حکمت بشری، بلکم بنا و فیض خدا رفتار کِردیمه. ^{۱۳} سی ځکه ایما چیی غیر ځکه ایخونیت و ایقمتیت سیتون نینویسیم و م امید داړم خوب بَقَمیت- ^{۱۴} هموطو که یچی ایما نه قِمسیت، تا مینه روز خداوندیمون عیسی، هموطو که ایما و ایشا ایبالیم، ایشا هم و ایما ببالیت.

^{۱۵} سی ځکه و به خاطر جَم بییم، خواسُم اوّل بیام طی ایما تا سی دَفه دَوَم فیضه تجربه کینیت. ^{۱۶} ایخواسُم سِر رَم و ولات مقدونیه بیام بونیمتون و و مقدونیه و رِگَرْدُم طیتون و ایشا مینه رای کینیت و ولات یهودیه. ^{۱۷} مه موقی که ایخواسُم ای کار کُئم، دو و شک بییم؟ و یا ځکه بی اَیْمَل ای دنیايم، طوری که گُپم هم «ها» و هم «نه» ته؟

۱ و طرفِ پولس که و خواس خدا رسول عیسی مسیح ته، و گامون تیموتائوس، و کلیسیا خدا مینه قُرنَتُس، و تَموم ایموندازل و مسیح مینه سرتاسر ولات آخائیه: ^۲ فیض و سلامتی و طرف بُو ایما خدا و خداوند عیسی مسیح، بی ایشا بو!

خدی تَموم دلگرمی یل

^۳ متبارک بو خدا و بُو خداوندیمون عیسی مسیح، که بُو رَحْمَتِل و خدی تَموم دلگرمی یله؛ ^۴ که مینه تَموم تنگی یل و مون دلگرمی اییه تا ایما هم بَتریم بی او دلگرمی که و ش جُسمیه، اونگی ته که مینه عذابن، دلگرم کینیم. ^۵ سی ځکه هموطو که و عذابل مسیح و فراوونی بهر اییریم، و واسطه مسیح و دلگرمی فراوون سرریز ایاییم. ^۶ آر مینه تنگی پییم، و خاطر دلگرمی و نجات ایشانه؛ و آر دلگرمیم، و هم سی دلگرمی ایشانه، و په و کار ایا اوسیه که ایشا هم مینه همو عذابلی که ایما ایکشیم، بی حوصله طاقت ایاریت. ^۷ امید ایما درمورد ایشا پاورجایه، سی ځکه دونیم هموطو که مینه عذابل ایما بهر بُردیت، مینه دلگرمی ایما هم بهر اییریت.

^۸ سی ځکه ای گکاتِل، ایما نیخیم و تنگی یلی که مینه منطقه آسیا و سِرْمون اومه، بی خور بیت. سی ځکه طوری طاقتمونه طاق که، که اِمیدی و زنده مُندن نیاشتیم. ^۹ و راسی، گمون ایکردیم حکم مرگمونه دانه. اما اینگل همش

غِصَۀ زیاد، وُ نَه و پا دَراره. ^۸ پ، و ایشا تمنا دَارُم محبَتِ خَتونَه آزنو و شِ نِشونِ بَئیت. ^۹ سی هَمِیه هَم سیتونِ نِوشْتُم که امتحانِتون کِئُم و بَویُنُم مَه مِنه هَر کَارِ اطاعتِ ایکنیتِ وا نَه؟ ^{۱۰} هَرکه نَه ایشا بَویخشیت، م هَم وُ نَه اِبِخْشُم. وِراسی آر کسی نَه بَخْشِیْمِه - اَلْبَت آر چِئِی سی بَخْشِیْنِ بَیْیه - مِنه حضورِ مسیح وُ وِ خاطرِ ایشا ای کَارِ کِردِمِه، ^{۱۱} تا شیطونِ بازیمونِ نِیه، سی یکِه ایشا و نَخْشِیه لِش نَه بی خَورِیم.

زور وایِین مِنه مسیح

^{۱۲} وختی سی موعظَه انجیلِ مسیح اومَم و تروآس، بی یکِه خداوند درِ گُوبِی و ریم واز کِه، ^{۱۳} هنی آروم نِیاشْتُم سی یکِه گِگام تیتوس وُجِه نَجْشُم. پ مَرْدِمون وُجِه نَه نِهَام، رُئُم و مقدونیه.

^{۱۴} اما خدا نَه شکرِ ایکُنُم که هَمِیشَه ایشا نَه مِنه مسیح، مِنه پیروزی خُوش رهبریِ ایکِنِه و عَطِرِ شناختِ وُ، و وسیلَه ایشا مِنه هَمَه جا پخشِ ایابو. ^{۱۵} سی یکِه ایشا سی خدا عَطِرِ خَشِ مسیحِ پیِم، چه مابینِ اونگی که نجاتِ ایجورِن و چه مابینِ اونگی که هلاکِ ایابون، ^{۱۶} سی یکی بویِ و مرگِ که ایزه و طرفِ مرگ؛ سی یکِیدَه عَطِرِ حیاتِ که ایزه و طرفِ حیات. کِیه که سی ایطو چِیَلِی قابلِ بو؟ ^{۱۷} سی یکِه ایشا نَه می خِیلی یَلِیم که دَسفروشِ کلامِ خداین، بَلْگُم می مردمِ رِیاس که و طرفِ خدا مأمورِ وایِینه، مِنه حضورِ خدا مِنه مسیح گپِ ایزَنِیم.

خِذْمَتکارلِ عهدِ جدید

^۳ مَه یِه دَفَدَه شروعِ ایکنیم و تعریفِ کِردَن و خِمون؟ یا ایشا هَم می یِه پاره‌ای، اِتیاجِ داریم و تونِ معرفیِ نامهِ پیِم، یا و طرفِ

^{۱۸} قَسم و خدایی که وفادارِه، گپِ ایشا بی ایشا «ها» و «نَه» نَبِیْیه. ^{۱۹} سی یکِه کِرِ خدا، عیسی مسیح، که مو و سیلاس و تیموثائوس وُ نَه مابینِتونِ اعلامِ کردیم، «ها» و «نَه» نَبِی، بَلْکُم مِنه وُ هَمِیشَه «ها» یَه. ^{۲۰} سی یکِه تَمومِ وعده‌یَلِ خدا مِنه وُ «ها» یَه. سی یکِه و وسیلَه وُ نَه که ایشا و خدا سی جلالِش «آمین» ایگیم. ^{۲۱} و یِه خدایَه که ایشا نَه بی ایشا مِنه مسیح پاوَرِجا ایکِنِه. وُ ایشا نَه مَسحِ کِردِه ^{۲۲} وُ وُ مَهرِ خَشَه و مومونِ رِیه که این وُ نِیم و روحِ خَشَه می بَیونَه نَهایه مِنه دِلْمون.

^{۲۳} خدا نَه شاهدِ ایگُرُم که تِنَا سی یکِه ناراحتِتونِ نِکُنُم، تَوَرگِشْتُم و فُرنُتس. ^{۲۴} نَه یکِه و ری ایمونِتونِ سَروَرِی کِنِیم، بَلْکُم بی ایشا، سی شاییتونِ تَلاشِ کِنِیم، سی یکِه ایشا مِنه ایمونِتونِ پاوَرِجا بَیت.

^۲ پ، ایخوام تا دِ بی اومِیْنُم باعثِ غَم و باریتونِ توابوم. ^۲ سی یکِه آر ایشا نَه غَم و بارِ کِئُم، دِ کی ایزَه باعثِ شایِی مِ و ابو، غِیرِ ایشا که غَم و باریتونِ کِردِمِه؟ ^۳ و یَنَه نِوشْتُم تا موقی که اومَم طِیتون، اونگلِ که بایس مِنه شایِمونِ کِین، غَم و بارِ نِکِین. سی یکِه و تَمومِ ایشا اِطمینونِ دَارُم که شایِی مِ شایِی تَمومِ ایشانِه. ^۴ سی یکِه مِ بی دلی غَم و بارِ و پَرِیشونِ و تِیَلِی پَرِخَرسِ سیتونِ نِوشْتُم، نَه سی یکِه غَم و باریتونِ کِئُم، بَلْکُم تا آگا و ابیتِ چَقَه زیاد و تونِ محبَتِ دَارُم.

گِناکارِ بویخِش

^۵ ایسو، آر کسی باعثِ غَم و باری وایِیه، نَه تِنَا مِنه، بَلْکُم - آر درو نِکُنُم - تا حدی تَمومِ ایشا نَه غَم و بارِ کِردِه. ^۶ سی ایطو آیمِی گوشمالیِ ای که بیشترِ ایشا و شِ دِیْتَه، بَیْسِشَه. ^۷ پ و جاشِ بَخْترِه وُ نَه بَویخشیت و دلدارِیِ بَئیت، نِکِیه

نِقَاب و موقی خُونَدَن عَهْدِ عَتِیق هِسِیش و وَگِزْتَه تَوابی یِه، سِی یکِه تِنَا مِیْنِه مَسِیح وَگِزْتَه ایابو. ^{۱۵} بَلِه، تا و اَمرو، موقی که توراتِ موسی نَه ایخونن، نِقابی و ری دِلشونَه؛ ^{۱۶} اَمّا موقی که ری ایارن و خداوند، نِقاب وَگِزْتَه ایابو. ^{۱۷} ایسو، خداوند روجه، و هر جا روح خداوند بو، وُچِه آزادی یِه. ^{۱۸} و تَموم ایما بی ری بی نِقاب، جلال خداوند داریم، هَمو طو که مِیْنِه اینِه‌ای سِیلِ ایکنیم، و هَمو شکل، و جلال و جلالی بالاتر عوض ایابیم؛ و یِه و خداوند سرچشمه ایگِرِه که روجه.

نورِ انجیل

۴ بَ بی داشتنِ ای خدمت که و ری رَحِمِ خدایه، دلسرد نیابیم. ^۲ اَمّا ایما و رَیلِ نادِرُس و قایمکی دیری کردیمه. ایما و حَقّه بازی یا دَس بُردَن مِیْنِه کلامِ خدا دیری ایکنیم، بَلکم، بی گُتَن حقیقت مِیْنِه حضورِ خدا، وجدانِ هَمّه، ایما نَه تصدیق ایکنه. ^۳ و حتی آر انجیل ایما پوشیده یِه، و گسلی پوشیده یِه که ری و نابودی یِن. ^۴ دَرموردِ اونگلِ خِدی ای دنیا عقلِ بی‌ایمونلّه کور کرده تا نورِ انجیلِ جلالِ مَسِیح که صورتِ خدایه، نَبینن. ^۵ سِی یکِه ایما و خِمون تعریف نیکنیم، بَلکم عیسی مَسِیح و عنوانِ خداوند اعلام ایکنیم، وُ و خِمون تِنَا و خاطرِ عیسی، وُ و هَم تِنَا و عنوانِ خادمِ ایشا گپ ایزَنیم. ^۶ سِی یکِه هَمو خدایی که گُت: «نور و مِیْنِه تاریکی بِرِج بِزَنه» نورِ خِشَه بِس و دِلمون تا شناختِ جلالِ خدا مِیْنِه ری عیسی مَسِیح، ایما نَه نورانی کِنه.

^۷ اَمّا ایما ای گنجِه مِیْنِه کوزه‌یلِ گلی داریم، تا آشکار بو که ای قدرِتِ عظیم و خدایه نَه و ایما. ^۸ ایما و هَرلَت مِیْنِه فشاریم، اَمّا خُرد تَوابیئیمه؛ حیرت زَنه ییم، اَمّا نَه نالامیدیم؛ ^۹ آزار

ایشا معرفی نامه‌ای داشته ییم؟ ^۲ ایشا خِتون معرفی نامه ایما ییت، نوشته و ری دِلمون که هَمّه ایتَرَن وه نَه بِخونن و بِقَمِن. ^۳ و ایشا نِشونِ ایثیت که نامه مَسِیح ییت که و وسیله ایما و تون رَسِییه، نوشته‌ای نَه بی جوهر، بَلکم بی روح خِدی زنده، نَه و ری نَخْتَه‌بَرْدَل، بَلکم و ری تختَه دِلَلِ بشری.

^۴ یِنِه اِطمینونی که ایما و واسطه مَسِیح و خدا داریم. ^۵ نَه یکِه خِمون لایقِ بَیم تا چیئی نَه بَینم و حسابِ خِمون، بَلکم لایقِ بَینن ایما و خدایه، ^۶ که ایما نَه لایقِ کِرده که خِدمتکارلِ عهْدِ جدیدِ بَیم - عهْدی که و ری کارِ روحِ خدا پاوَر جایه، نَه و ری نوشته. سِی یکِه «نوشته» ایکنه، اَمّا روحِ خدا حیاتِ ایخِشَه.

جلالِ عهْدِ جدید

^۷ ایسو، آر خدمتی که تَهش مرگِه، نوشته‌ای واگنده و ری بَرْد، بی اوطو جلالی اوقه که بنی اسرائیل نیترسن و خاطرِ جلالش سِیلِ موسی کِنن، هَرچَن او جلال در حالِ تَموم وایی یِن بی، ^۸ مَه خدمتی که و واسطه روحِ خدایه جلالِ بیشتری نیاره؟ ^۹ سِی یکِه آر خدمتی که تَهش محکومیتیه بی جلال بی، چَقّه بیشتر خدمتی که تَهش صالحی یِه پُرناپرِ جلاله. ^{۱۰} و راسی اوچیئی که زمونی پُر جلال بی، ایسو، مِیْنِه قیاس بی ای جلالِ بالاتر، دَ رنگی نیاره. ^{۱۱} سِی یکِه آر اوچیئی که و بِن ایزرت بی جلال اوقه، چَقّه بیشتر اوچیئی که پاوَر جایه جلال داره.

^{۱۲} و وُچِه که ایطو اِمدی داریم، بی دِلِ جرأتِ گپ ایزَنیم؛ ^{۱۳} نَه می موسی که نِقابی و ری خُوش گشی تا بنی اسرائیل عاقبتِ اوچیئی نَه که در حالِ تَموم وایی یِن بی، نَبینن. ^{۱۴} اَمّا عقلِشون کور وایی. سِی یکِه تا و اَمرو هَمو

تا زمونی که مینه ای بهونیم بی درد گِرون هِناسه ایگشیم، سی‌یکه نیخیم جومه ورمونه دَرآریم، بلکم جومه‌ای دَ ایکنیم ورمون، تا حیات اوچیئی نه که فانی ته غوت بیه. ^۵ خدا ته که ایما نه سی ای کار آمايه کِرده، که روخه ورمون بَبونه دایه.

^۶ پ همیشه بی دل جرأتیم، ایما دونیم تا زمونی که مینه ای حونه مینه ای بَبَن منزل داریم، و خداوند دیریم، ^۷ سی‌یکه بی ایمون قَیم اییگریم، نه بی دین. ^۸ بَله، ایما بی دل جرأتیم، و یَته بَختر دونیم، که و ای بَبَن دیر واییم و مینه حونه طی خداوند منزل کَنیم. ^۹ پ چه مینه حونه منزل داشته بیم و چه دیر حونه بیم، نیتمون یَته که و ته راضی کَنیم. ^{۱۰} سی‌یکه تَموم ایما بایس در برابر تختِ داوری مسیح حاضر واییم، تا هر کس بَنا و کارلِ خوب یا بدی که مینه زَمونی که مینه بَبَنش بیه کِرده، سِزا یوینه.

خِدمَتِ صلح

^{۱۱} پ بی دَوَنسن ترسِ خداوند، مَرده مجاب کَنیم. اما اوچیئی که هسیم سی خدا آشکاره و اَمیدم و یَته که سی وجدانِ ایشا هم آشکار بو. ^{۱۲} ایما نیخیم اَمبلا و خِمون تعریف کَنیم، بلکم ایخیم دلیلی سیتون بیاریم که و ایما ببالیت، تا بَتریت جوابِ گسلی ته بَئیت که و ظاهر ایبالن، نه و اوچیئی که مینه دِله. ^{۱۳} سی‌یکه آر عقلمونه و دَس دیمه، و خاطرِ خدایه؛ و آر عاقلیم، و خاطرِ ایشانه. ^{۱۴} سی‌یکه محبتِ مسیح ایما نه کنترل ایکنه، سی‌یکه خاطرِ جَمیم که یه نفر مُرد سی هَمه، پ هَمه مُردن. ^{۱۵} و و مُرد سی هَمه تا دَ زنده‌یل نه سی خِشون، بلکم سی او کسی زَندِی کِن که و خاطرشون مُرد و زنده وای.

ایبینیم، اما ول نوابیئیمه؛ خَرَدیمه و گِل، اما هلاک نوابیئیمه. ^{۱۰} هَمیشَه مرگِ عیسی نه مینه بَبَن خِمون ایتریم تا حیاتِ عیسی هم مینه بَبَن ایما دیار وای. ^{۱۱} سی‌یکه ایما که زنده‌ییم، هَمیشَه و خاطرِ عیسی ایمریم تا حیاتِ عیسی هم مینه بَبَن فانی ایما دیار وای. ^{۱۲} پ مرگِ مینه ایما کار ایکنه، اما حیاتِ مینه ایشا.

^{۱۳} و وُچه که مینه کِتابِ زبور نوشته وای یه، «ایمون اُورُدُم، پ گپ رَم.» سی‌یکه هَمی روح ایمون مینه ایما هم هسی، ایما هم ایمون داریم پ گپ ایزنیم. ^{۱۴} دونیم و که عیسی خداوند و مُرده‌یل زنده که، ایما ته هم بی عیسی زنده ایکنه و ایما نه بی ایشا ایاره و حضورش. ^{۱۵} اینگل هَمه و خاطرِ ایشانه، تا فیضی که نَصیبِ عده‌ی زیادی ایابو، شکر کردنِ مردم سی جلالِ خدا ته بیشتر کینه.

^{۱۶} پ دلسرد نیاییم. هرچن بَتیمون ایپیسه، انسانِ باطنیمون روز و روز تازه‌تر ایابو. ^{۱۷} سی‌یکه ای عذابلِ کِچلو گذرا که و سَرمون ری ایابو جلالی ابدی نَصیبمون ایکنه که بی او عذابلِ قابلِ قیاس نی. ^{۱۸} پ تیتیمون نه و چیتلی یه که ایابو یونیشون، بلکم و چیتلی یه که نیابو یونیشون، سی‌یکه چیتلی که ایابو یونیشون باقی نیویسه، اما چیتلی که نیابو یونیشون ابدی یه.

حونه آسمونی ایما

۵ سی‌یکه ایما دونیم موقی که ای بهون زمینی که مَنش منزل داریم بَرُمیه، عمارتی و خدا داریم، حونه‌ای که بی دَس ساخته نوابی یه و مینه آسمونلِ ابدی یه. ^۲ سی‌یکه مینه ای بهون هِناسه ایگشیم، شوق داریم که حونه آسمونی خِمونه کَنیم ورمون. ^۳ آر وراسی کَنیمش ورمون، دَ نه لُختیم. ^۴ سی‌یکه

بِی صَبَر، بِی مِربُونی، بِی رُوحِ القدس، بِی مَحَبَّتِ
بِی رِیا،^۷ بِی راسگووی، بِی قَدَرَتِ خدای، بِی اسلَحَهٗ
صالحی وَ دَسِ راس وَ چپ؛^۸ مِیْنِهٖ عَزَّتِ
وَ خوارِی، بَدَنُومِ وَ خُوشِ نوَمِ. بامون می
حُقهٗ بازَلِ تا ایابو، وا ای حال هَنی هَم حَقِیقَتَهٗ
ایگیم؛^۹ بامون می بِی نوَمِ نِشَوَنَلِ تا ایابو، وا
ای حال هَنی هَم مَعروفِیم؛ بامون می آتَمَلِ دَر
حالِ مرگ تا ایابو، هَنی هَم زِنْدَهٗ پیَم؛ بامون می
آتَمَلِ مَجازاتِ وایِیَه تا ایابو، وا ای حال هَنی
هَم کِشَتَهٗ نَوابِیثِیه؛^{۱۰} بامون می غَم وَ بارَلِ تا
ایابو، وا ای حال هَمیْشَهٗ شایمُونِیم؛ بامون می
فَقِیْرَلِ تا ایابو، وا ای حال خِیلی بَلَهٗ دارا ایکنیم؛
بامون می گسلی که چِیئِی نِیارَن تا ایابو، وا ای
حال صاحابِ هَمَهٗ چی پیَم.

^{۱۱} ای مَرَدِم فُرْنُتُس، ایما بِی پَرْدَهٗ باتون گپ
زیم، دِلِموَنَهٗ سیتون واز کردیم.^{۱۲} ایما مَحَبَّتِ
خِمُونَهٗ وَتُون درِیغ نَکَرِیدیم. بَلِگَم یه ایشاپِیت
که مَحَبَّتِ خِتُونَهٗ وَمُون درِیغ کَرِیدِیْتَهٗ.^{۱۳} وَ
جاش باتون می اولادَلُم گپ ایزَنُم؛ ایشا هَم
دِلِتُونَهٗ سیمون واز کِنِیت.

مَعْبِدِ خِدِی زِنْدَهٗ

^{۱۴} نَرِیت زِرِ جِی بِی اِیمونَلِ، سی یکَهٗ صالحی بِی
شَرارت چه پیوندی داره؟ یا نور بِی تاریکی چه
رِفاقی داره؟^{۱۵} مسیح بِی پِلِیعَال یعنی شِیطون
چه توافقی داره؟ یا مَؤْمَن بِی کافر چه شِراکَتِ
داره؟^{۱۶} مَعْبِدِ خدای بِی بُتَلِ چه سازِشی داره؟
سی یکَهٗ ایما مَعْبِدِ خِدِی زِنْدَهٗ پیَم. هَموَطو که
خدای مِیْنِهٖ تورات وَ کِتَابِ پیغمبَرَلِ گُت:

«مابین اونگل منزل ایکنم

وَ مِلَاشون زه ایزم،

وَ مِ خِدِی اونگل ایابوم

^{۱۶} پ، ایما وَ یه واپس، هیشگه نَه بِی قِیاسَلِ
بِشِری قضاوت نِیکَنِیم، هَرِچَن زِیَرِ دِرمورِدِ
مسیح ایطو قضاوت ایکرَدِیم، ایسَهٗ دَ نَه
ایطوره.^{۱۷} پ آر کسی مِیْنِهٖ مسیح بو، خَلقَتِ
تازَهٗ یَه. چِیئِلِ گَهَنَهٗ رَتَنَهٗ؛ ایسو، هَمَهٗ چی تازَهٗ
وابِیَه! ^{۱۸} تَمومِ اینگل وَ خدایَه، که وَ واسطَهٗ
مسیح ایما نَه بِی خُوشِ صلح دایه وَ خَدَمَتِ
صلَحَهٗ دایه وَ دَسِ ایما.^{۱۹} یعنی، خدا مِیْنِهٖ
مسیح جِهانَهٗ بِی خُوشِ صلح ایدا وَ گِنائِلِ
مَرَدَمَهٗ نِیلِشَتِ وَ حَسابِشون، وَ پیومِ صلَحَهٗ
دا وَ دَسِ ایما.^{۲۰} پ سَفِیْرَلِ مسیح پیَم، خدا
خواسِ خِشَهٗ وَ طَرِیقِی ایما آنجوم اییه. ایما وَ
طَرِیفِ مسیح وَتُون تَمنا ایکنیم که بِی خدا صلح
کِنِیت.^{۲۱} خدا کسی نَه که گِنّا نَه نِشِناخت،
مِیْنِهٖ رَهٗ ایما گِنّا کِه، تا ایما مِیْنِهٖ وَ صالحی خدا
وابِیم.

۶ پ وَ وُچَه که هُمکازَلِ خدایِیم، وَتُون
تَمنا ایکنیم که فِیضِ خدا نَه بِی فِیذَهٗ وَ
دَسِ نِیارِیت.^۲ سی یکَهٗ خدا مِیْنِهٖ کِتَابِ اشعیای
پیغمبَرِ ایگ:

«مِیْنِهٖ زَمونِ لَطِیفِ خُومِ جَوابَتَهٗ دام

وَ مِیْنِهٖ رُوزِ نِجات، کِمَگَتِ کِرَدُم.»

ایسو، ایسَهٗ زَمونِ لَطِیفِ خدایَه، ایسو، ایسَهٗ
رُوزِ نِجاتَهٗ.

سَخْتِ یَلِ پوُلُس

^۳ ایما هِیچِ بَرْدِی وَرِ رَهٗ کسی نِینِیم، نَکِنِهٗ سی
خَدَمِیمون سَراکو بِیین،^۴ بَلِگَم مِیْنِهٖ هَرِ کَاری
که ایکنیم نِشون اِیْثِیم که خادِمَلِ خدایِیم:
بِی طاقَتِ زیاد مِیْنِهٖ تَنگی یَلِ، سَخْتِ یَلِ، بَلاتِلِ،
^۵ موقِی شلاقَلِ، زِنْدانَلِ، بَلَبَشوئِلِ، جَوَزَلِ، مِیْنِهٖ
بِی خُوی، مِیْنِهٖ گِسنهٗ ای؛^۶ بِی پاکی، بِی شِناخت،

و اونگل قوم م ایابون.»

۱۷ پ خداوند مینه کتاب پیغمبرل ایگ:

«و مِلاشون بی پیت ودر و وشون

جیا واییت.

و هیچ چی نجسی دَس مَزْنِیت

اوسه م ایشا نه و گرمی قبول ایکنم.»

۱۸ «و م ایابوم بوتون

و ایشا ایابیت گزل و دَوِزِلُم،

خداوند قادر مطلق یته ایگ.»

ای اولادَلُم، و وچه که ایما ای وعده یله

داریم، بی پیت خمونه و هر ناپاکِی جسم و

روح پاک کنیم و بی ترس و خدا، مقدس بییته

و کمال بَرسونیم.

شایمونی پولس

۲ ایما نه مینه دِلتون جا بئیت. و حق کسی

بدی نَکَرْدِیمه، کسی نه خراب نَکَرْدِیمه، و

کسی سواستفاده نَکَرْدِیمه. ۳ م یته نیگم که

محکومتون کنم. سی یکه نهاتر وتون گنم که

مینه دل ایما جا داریت، تا بی یک یمیریم و بی

یک زیندی کنیم. ۴ م بی دل جرأت باتون گپ

ایزنم، وتون یکلی ایبالم. مهلی دلگرمم، و بی

تموم تنگی یلم، پرتاپرم و شای.

۵ سی یکه حتی موفی که زسییم و مقدونیه،

به دقه آرامش نیاشتیم، بلکم و هرلت مینه

عذاب بییم - و صرا جریمرافه داشتیم، و مینه

دِلمون ترس. ۶ اما او خدای که و آیمِل بگر

دلگرمی اییه، بی اومین تیتوس ایما نه دلگرم که.

۷ و نه تینا بی اومین و، بلکم و او دلگرمی که

وتون جسه بی، وختی و شوقِ ایشا، و غصتون

و غیرتی که ایشا سی م داریت و م گت، م بیشتر

شایمون واییم.

۸ سی یکه حتی آر بی نامه خوم غم وبارتون

کِرْدُم، و کِرْدَه خوم نه پشیمونم. بی یکه تا

حدی پشیمون بییم - سی یکه ایبیم که او نامه،

هرچن مدتی کوتا، ایشا نه غم وبار که - ۹ ایسه

شایمونم، نه سی یکه غم وبار واییت، بلکم

سی یکه غمتون باعث توبه ایشا وایی. سی یکه

غم ایشا سی خدا بی، تا هیچ ضرری و طرف

ایما وتون نرسه. ۱۰ سی یکه غمی که سی خدا

بو، باعث توبه ایابو، که آخرسر باعث نجات

ایابو و پشیمونی نیاره. اما غمی که سی دنیا،

آخرسر مرگ و بار ایاره. ۱۱ سی یکه یونیت ای

غمی که سی خدایه چه شوقِ میتون و بار

آورده، آلت همی شوقی که نشون بئیت نه

تخصیرکاریت، چه تش گِزَن، چه ترس، چه

حسرت، چه غیرت، چه ادب کِرْدَن! و هر

لحاظ ثابت کِرْدِیتِه و ای بابت بی گنایت.

۱۲ پ بی یکه م سیتون نوشتم، و خاطر او

کسی نبییه که بدی کِرْدِه و یا وش بدی واییه،

بلکم سی یه بی که مینه حضور خدا غیرت ایشا

سی ایما، دیار و ابو. ۱۳ پ ایما دلگرمیم.

غیر دلگرمی خمون، ایما و شای تیتوس

بیشتر شایمون واییم، سی یکه تموم ایشا

جونشه تازه کِرْدَه بییت. ۱۴ سی یکه هرچن

م طیش و هر بابت و ایشا بالیم شرمنده

نوابییم، بلکم هموطو که هر چیی وتون گتیم

دُرس بی، ثابت وایی که طی تیتوس هم، و جا

وتون بالیمه. ۱۵ و هر دقه که تیتوس اطاعت

بو، پیشکش آیم قبول ایابو، آلبت طبق چیئی که داره، نه طبق چیئی که نیاره.

^{۱۳} سی پیکه منظورم نه ینه که بقیه مینه راحتی بون و ایشا مینه تنگی، بلکم پیکه و ری انصاف بو ^{۱۴} که و زیادی چیئی که ایشا داریت، ایسه کم کسری اونگل برطرف وایو، تا و زیادی چیئی که اونگل دارن، کم کسری ایشا برطرف وایو، تا انصاف برقرار وایو. ^{۱۵} هموطو که مینه کِتَابِل مقدس نوشته وایه: «وِه که زیاد جم که، اضاف نیاشت، و وِه که کم جم که، کم نیاشت.»

پولس سفارش تیتوس و قُرْنَتُس ایکنه

^{۱۶} اما خدا نه شکر ایکنم که مینه دل تیتوس هم نهاییه که می مو و ته دل و فکرتون بو. ^{۱۷} سی پیکه و ته تینا خواس ایما نه قبول که، بلکم خوش بی پیکلی شوق، سی اومین طی ایشا با پیش نها. ^{۱۸} و ایما باش گکایی نه بسی ایکنیم که تموم کلیسای و ته و خاطر موعظه انجیل ایشناسن. ^{۱۹} و ته تینا یو، بلکم و و طرف کلیسای انتخاب وایه تا مینه ای کار خیر که سی جلال خداوند و نشون داین خیرخواهی مونه، همسفر ایما بو. ^{۲۰} ایما خواسمون هسی که مینه ای خدمت جم کردن پیشکشلی که و ته دل و وسیله ایما اداره ایابو، کسی ایرادی و مون نگره. ^{۲۱} سی پیکه تلاش ایکنیم که ته تینا طی خداوند، بلکم طی مردم هم اوچیئی که خوبه بکنیم.

^{۲۲} و بی اونگل، گگامونه هم بسی ایکنیم که چندین دقه امتحانیش کردیمه و فمسیمه که مینه خیلی چپیل شوق داره، اما ایسه و خاطر اطمینونی که وتون داره بیشتر همیشه شوق داره. ^{۲۳} درمورد تیتوس بایس بگم که، مینه خدمت و ایشا شریک و همکار مینه، و

تموم ایشا نه و یای ایاره، که چطو بی ترس لرز و نه قبول کردیت، بیشتر وتون دل اییه. ^{۱۶} شایمونم، سی پیکه وتون سخت خاطر جمم.

تشویق کردن و دس دلوازی

ای گگایل، ایخیم ایشا نه و فیضی که خدا و کلیسای مقدونیه دایه، باخور کینیم. ^۲ سی پیکه اونگل بی پیکه و خاطر تنگی، سخت مینه امتحان، اما بی خدا، شاین و بی پیکه مهلی فقیرن، اما دس دلوازی. ^۳ سی پیکه م شاهدیم که اونگل اوقه که و دسشون ایا، حتی بیشتر و، خوشون با پیش نهانه، ^۴ بی پیکلی اصرار و مون خواسن که مینه ای خدمت و ایموندارل و مسیح بهری داشته بون. ^۵ و په طوری نبی که ایما فکر ایکردیم، بلکم اونگل اول خوشونه و خداوند تقدیم کردن و اوسه طبق اراده خدا خوشونه دان و دس ایما. ^۶ سی همیو، ایما و تیتوس خواسیم هموطو که خوش نهاتر قیم اوله وگرته بی، ایسه هم ای کار خیر و آخر برسونه. ^۷ اما هموطو که مینه همه چی بختیت - مینه ایمون، مینه گپ زین، مینه شناخت، مینه شوق زیاد، و مینه محبتون و ایما - پ مینه ای کار خیر هم و همه بخت بیت.

^۸ ینه وتون حکم نیکنم، بلکم ایخوام محبت خالصتونه نسوت و شوق بقیه امتحان کنم. ^۹ سی پیکه و فیض خداوند ایما عیسی مسیح آگاپیت که هرچن دارا بی، و خاطر ایشا فقیر وای تا ایشا مینه فقیریش دارا وایت.

^{۱۰} و نظر خمه درمورد په ایگم: په و نفعیتونه، سی پیکه پار ایشا نه تینا ای کار خیر شروع کردیت، بلکم شوقشه هم داشتیت. ^{۱۱} پ ایسه ای کار و آخر برسونیت، تا شوقی که و ای کار داشتیت، بی و آخر رسندنش و قد توان مالیتون جور بو. ^{۱۲} سی پیکه آر شوقی

«پی دسِ دلوازی و مُتاجلِ بَخشییه،
عدالتش تا و ابد پاؤرجایه.»

۱۰ و که تیمه سی کشاورز و نونه سی خَرَدَن
اییه، تیمتونه سی کِشَت کار آمایه ایکنه و
برکت اییه و قَمَرِ صالحیتونه یِکلی ایکنه.
۱۱ ایشا و هر بابت دارا ایابیت تا و هر بابت
دسِ دلواز بیت، که پی ای کار ایما مردم خدا نه
شکر ایکن.

۱۲ سی پیکه ای خدمت، نه تینا ایتاجلی
ایموندازلَه بَرطرف ایکنه، بلکم شکر کِرَدَنَل
زیادی و طرفِ خدا سَرریز ایابو. ۱۳ و خاطر
ای خدمت، مردم خدا نه ستایش ایکن، سی
اطاعتی که پی اعترافِ ایشا و انجیلِ مسیح یه،
و هم سی دسِ دلوازی که مینه کَمک و اونگل و
و همه نشون ایئیت. ۱۴ همیطو هم و خاطر
فیضِ عظیمِ خدا که و ریتونه، اونگل سیتون
دعا ایکن و شوقِ دیتیتونه دارن. ۱۵ خدا نه
شکر سی او پیشکشی که تعریف کِرَدَنی نی!

دفاع پوئس و خِدمَتش

۱ • مو، پوئس، حُوم پی نَری و مَربونی
مسیح و تون تَمنا دارم - مینی که وختی
باتون ریوَری ایابوم "کوچکِ نظم" اما وختی
که و تون دیرم باتون "تندم"! ۲ م و تون التماس
ایکنم تا وختی که طیتونم مجبور نبوم باتون و
تندی رفتار کُتم هموطو که م پی اونگی که
گمون ایکن ایما پی فکرلِ انسانی رفتار ایکنیم،
تندی ایکنم. ۳ سی پیکه هرچن مینه جسم زندی
ایکنیم، اما و طبقِ جسم نیجنگیم. ۴ سی پیکه
سلاح جنگ ایما نه و جسمه، بلکم قُویَتِ خدا
نه داره تا قلعه یَلَه پَرَمَبِه. ۵ ایما هر بحث و
هر عقیده گپویی که و ضدِ شناختِ خدا راس
وابو نابود ایکنیم و هر فکری نه و اطاعت و
مسیح اسیر ایکنیم. ۶ ایما آماده پیم، که هر

درموردِ گگایلمون هم بایس بگم که، اونگل
فاصلدَلِ کلیسایِل و جلالِ مسیح ین. ۲۴ پ
محبتِ خِتونه و افتخاری که ایما و تون داریم
مینه حضورِ کلیسایِل و ای آیمَل ثابت کنیت.

پیشکشی سی مسیحی یل اورشلیم

۹ ایسه لازم نی درموردِ ای خدمت و
ایموندازل و مسیح سیتون پَنوئسم،
۲ سی پیکه دوئم سی ای کار چه شوقی داریت،
و و ای بابت هم طی ایموندازلِ مقدونیه و تون
بالیمه. و شون گیمه که ایشا و پار مینه ولات
آخائیه سی داین پیشکش آمایه بیئیه. و غیرت
ایشا بیشترِ اونگه هم و ای کار واداشته. ۳ اما
ای گگایله پسی ایکنم تا افتخارمون و ایشا و
ای بابت پیک نَبو، تا هموطو که و شون گُتم،
آمایه بیت. ۴ نَکینه، آر په پاره ای و ایموندازلِ
مقدونیه بام بیان و بَقَمِن که ایشا نه آماده
بیت، ایشا نه نوئم اما ایما و ای اطمینونی
که و تون داشتیمه، شَرَمَنده ایابیم. ۵ پ م دیئم
لازمه و ای گگایلِ بَخوام که نِهی م بیان طیتون
و پیشکشی نه که وعده دیتیه آمایه کین، تا
ای پیشکش، پیشکشی وابو که پی میل ختون
دیتیه، نه و زور.

پی شایِ پیشکش بیت

۶ و یای داشته بیت: هرکه پی کینسی بکاره،
کم هم اییره، و هرکه یِکلی بکاره، یِکلی هم
اییرِه. ۷ هرکه بایس هموقه بییه که مینه دل
قَصت کِرده، نه پی بی میلی و زور، سی پیکه خدا
کسی نه که پی شایِ ایتبخشه دوس داره. ۸ و
خدا ایتره هر برکتی نه سیتون مهلی زیاد کینه تا
همیشه مینه همه چی و قَدِ ختون داشته بیت،
و سی هر کار خوبی، و فراوونی داشته بیت.
۹ هموطو که مینه کتابِ رَبور اومیه:

خُوش تعریف اِیکِنه قبول نِیاو، بَلکم وه که خدا وَش تعریف کِنِه.

پوئس و رسوَلِ وِردو

کاش ای پِچی اِحمق بَیِّن مَنه تحمل کِنیت، مَنه تحمل کِنیت! ^۲ سی پِکه م و ریتون غیرت دازم و ای غیرت و طرفِ خدا یه، سی پِکه ایشا نه نومزی یه میزه کِردم، تا می رِبَسه پاکِ بییمتون و مسیح. ^۳ اما زَلَم ایزه هَموِطو که حوا گول حیلَه مار خه، فکرِ ایشا و زه ول وابو و نَتریت خالص و ریراس سِرِسپَرده مسیح بیت. ^۴ سی پِکه آر کسی بیا طیتون و عیسی دیتِه ای غیر وه که ایما وِتون اعلام کِردیم، اعلام کِنِه، یا آر روحی غیر او روح القدسی که گِزَتیت، یا پیومی غیر او پیوم انجیلی که قبول کِردیت وِتون بییه، ایشا حاضریت و راختی تحملش کِنیت. ^۵ وراسی، م گمون نیکُم و او "رسوَلِ گِیو" چیئی کم داشته بوم. ^۶ حتی آر مینه گپ زَین سِرِشْتَه نِیاشته بوم، مینه معرفت چیئی کم نِیاُم؛ وراسی، ایما یَنه کامل و و هر بابت سیتون ثابت کِردیمه. ^۷ خَمه خوار کِردم تا ایشا سَرَقراز وایت، سی پِکه مه گِنا کِردم که پیوم انجیل خدا نه وِتون مُفت اعلام کِردم؟ ^۸ م کَلِیسایِل دَ نه غارت کِردم و شون کِمک مالی گِزُم تا ایشا نه خدمت کُنم. ^۹ و موقی که بی ایشا بییم و متاج بییم، باری نَنهام و کول کسی، سی پِکه گکالی که و ولاتِ مقدونیه اومَن اِتیاجِلِمه اُوردن. و م هیچ باری سِر کولتون نَبییمه و نِیاوم. ^{۱۰} قسم و راستی مسیح که مینه وجودیمه، هیشگه مینه تَموم منطقه اُخائیه، ای افتخار و م نِیسونه. ^{۱۱} و سیچه؟ مه سی پِکه دوستون نِیاُم؟ خدا

ناطاعتی نه مجازات کِنیم، وختی که اطاعتِ ایشا کامل وایی.

^۷ سِیل کِنیت و بونیت چه وِر تِیِتونه. آر کسی اِطمینون داره که این مسیح یه، یَنه پیونه که هَموِطو که و این مسیح یه، ایما هَم هَسیم. ^۸ سی پِکه سِرْمُنْده نِیاوم حتی آر پِچی بَیشتَر قِد اقتدارم بِبالُم که خداوند وه نه سی بَنی ایشا وَمون دایه، نه سی نابودیتون. ^۹ م نِیخوام اِطو و نظر بیا که اِیخوام بی نامه یَلَم زَلتونه بوئیم، ^{۱۰} سی پِکه یه باره ای ایگن: «نامه یَلش سخت و سنگینه، اما و ریوری ضعیفه و گپ زَینش هَم تعریفی نِیاره.» ^{۱۱} یل وه که یَنه ایگ پیونه که هَمو چیئی که مینه نَبییم مینه نامه یَلَم ایگم، هَمونه موقی اومِئیم، و کار اِیْزِم.

^{۱۲} نه یِکه ایما زَله اِیکِنیم خَمونه و دَسه گسلی بیونیم که و خِشون تعریف اِیکِن یا خِشونه بی یک قیاس اِیکِن. بَلگم اونگل سی پِکه خِشونه بی خِشون کیل اِیکِن و خِشونه بی خِشون قیاس اِیکِن، اِحمقن. ^{۱۳} اما ایما بَیشتَر حد نِیبالیم، بَلکم تِنا طبق او حدی که خدا سیمون نَهایه، حتی ایشا هَم جُزِشیت. ^{۱۴} سی پِکه ایما پامونه و حدِ خِمون نَهاثر نَبییمه، طوری که انگار وِتَه خِدمِتتون نَکِردیمه. سی پِکه ایما اَوَلین گسلی بییم که انجیل مسیح وِتون رَسُندیم. ^{۱۵} ایما و حدِ خِمون نَهاثر نِیریم و و اوچیئی که بقیه کِردنه نِیبالیم، بَلگم امیدمون و یَنه که بی ترقی ایمونتون، حدِ خدمتِ ایما مایِیتون مَهلی گِپوئر وابو. ^{۱۶} تا بَتریم انجیلَه مینه دِیازل دیرتر ایشا اعلام کِنیم. سی پِکه نِیخیم و کاری بِبالیم که نَهاثر مینه قَلَمرو کسی دِ بییه. ^{۱۷} یل «هرکه اِیباله، و خداوند بِباله.» ^{۱۸} سی پِکه وه که و

بیشتر موقع تِل نَزیک بییه بِمِیْرُم. ^{۲۴} پَنج دَفَه وَ یهودی تِل، سی و نه ضربه شلاق خَرْدُم. ^{۲۵} سه دَفَه بی چو رَنُم، یه دَفَه سنگسار وابی مِم، سه دَفَه کَشْتیم غرق وابی، یه شُو و یه رو مینه او دریا بییمه. ^{۲۶} مینه سَفَزَل پَس سَر یک، مینه خطر رو تِل، خطر راز تِل؛ خطر وَ طرف قوم خُوم، خطر وَ طرف غیر یهودی تِل؛ خطر مینه شهر، خطر مینه بیابون، خطر مینه دریا؛ خطر وَ طرف گگاتِل و درو؛ ^{۲۷} مینه سختی و عذاب، بی خُوی تِل زیاده؛ مینه گسینه ای و تشنه ای، بیشتر موقع تِل بی غذایی، مینه سرما لخت و پَتی بییمه. ^{۲۸} و غیر تَموم اینگل، هول و هراس سی تَموم کلیسایِل، باری یه که هر رو وَ کولمه. ^{۲۹} کَته که ضعیف و ابو و م ضعیف نوابوم؟ کَته که وَ گِل بَخَرِه و م سیش نَسوْرُم؟

^{۳۰} آَر ایبایس بِبالُم، وَ چیتِل ایبالُم که ضعیف مَنه نشون اییه. ^{۳۱} خدا و بُو عیسی خداوند، و که تا ابد مبارکه، دونه که درو نیکنُم. ^{۳۲} مینه شهر دَمشق، حاکم دَس نِشْنده آرتاس پادشاه، ناتوَرلی نَها و شهر دَمشق تا مَنه یِگِرَن. ^{۳۳} اما مَنه نَهان مینه سَله ای، وَ پنجره ای مینه دیوار شهر دان دومِن و ایطو وَ چَنگِش دَر تُم.

خارِ جِسْم پوْلُس

۱۲ م بایس هَمیطو وَ خُوم بِبالُم؛ هَر چَن سودی نَیاره، م هَمیطو وَ گَتَن رُویا تِل و مکاشفه یلی که خداوند دایه ادامه اییم. ^۲ یکی نه ایشناسُم که مینه مسیح یه، که چارده سال نَها تَر بُرده وابی وَ آسَمونِ سِوم. نُوْم بی بَین رَت یا جیا وَ بَین، خدا دونه. ^۳ م دوْم که بُرده وابی بالا وَ بهشت - بی بَین یا جیا وَ بَین نُوْم، خدا دونه - ^۴ و و چیتِل اِشْنفَت که نیابو یگیشون، که آیم نیتَرِه وَ رُوونش بیاره. ^۵ م وَ

دونه که دوستون داْرُم! ^{۱۲} و ای کارِ خَمه ادامه اییم، تا مجال نَیم وَ اونگی که ایخوان ادعا کِنن هَمیطو که ایما خدمت ایکنیم، خدمت ایکنن. ^{۱۳} سی پیکه ایطو آیملی، رسولل و درو و خادِملی حَقَه بازَن که خِشونه وَ شَکِلِ رسوللِ مسیح ایدَرارَن. ^{۱۴} و یه نه عَجیبِه، سی پیکه شیطون هَم خِشَه وَ شَکِلِ یه فرشته نور ایدَراره؛ ^{۱۵} پ تعجبی نَیاره که خادِملِش هَم خِشونه وَ شَکِلِ خادِمِلِ صالحی دَرارَن. عاقبت، اینگل مجازاتی که حَقِشونه ایگِرَن.

عذابِل پوْلُس وَ عنوانِ یه رسول

^{۱۶} اُمبِلاییم: هیشگه مَنه احمق فرض نَکِنه. اما حتی آَر ای کار ایکنیت، لا اقل مَنه می آیم احمق قبول کِنیت، تا م هَم یچی افتخار کِنم. ^{۱۷} اوچیئی که بی اطمینون وَ افتخار خَم ایگم، نه وَ طرفِ خداوندِه، بلکم وَ ری نَقَمی یه. ^{۱۸} وَ وُجه که خیلی تِل وَ خاطرِ چیتِل ای دنیا وَ خِشون ایبالن، م هَم وَ خَم ایبالُم. ^{۱۹} سی پیکه ایشا، نَقَمَلَه بی کمال میل تحمل ایکنیت، اِنگار خِتون مَهلی عاقِلیت! ^{۲۰} سی پیکه آَر یکی ایشا نه بنده خُوش کِنه، یا غوتون بییه، یا وتون سوءاستفاده کِنه، یا خِشَه وتون بالاتر پیورنه، یا تَلنگوش وتون پَزَنه، تحمل ایکنیت. ^{۲۱} بی شَرْمَنده ای بایس یگم، ایما سی ای کار مَهلی ضعیف بییمه!

اما آَر کسی هنی زَله ایکنه وَ چیتی بباله - اُمبِلاییم می یه احمق گپ ایزنُم - م هَم زَله ایکنُم و ش بِبالُم. ^{۲۲} اونگل عبرانی یَن؟ م هَم هِسُم! اونگل اسرائیلی یَن؟ م هَم هِسُم! اونگل وَ نسلِ ابراهیمَن؟ م هَم هِسُم! ^{۲۳} اونگل خادِمِ مسیح یَن؟ م وَ شون بَخَتَرُم! - می گولیل گپ ایزنُم - وَ هَمه سخت تر کار کِرْدِمه، مَهلی بیشتر اُفتامه وَ زندان، بیشتر هَمه شلاق خَرْدِمه،

آر م ایشا نه بیشتر دوس دارم، مه بایس منه کمتر دوس داشته بیت؟

۱۶ اما بی یکه قبول داریت باری و کولتون ننهامه، لآد اِگیت حقه باز بییمه، و بی حقه بازی ایشا نه و دس آوردیمه. ۱۷ مه واسطه اونگی که بسی کِردم طیتون، وتون نفعی بُردم؟ ۱۸ م تیتوس وادار کِردم که بیا طیتون و گامونه هم باش بسی کِردم. مه تیتوس وتون نفعی بُرد؟ مه ایما و یه روح و یه ره رفتار نکرديم؟

۱۹ مه تا ایسه گمون ایگردیت که تلاش ایکنیم در برابر ایشا و خمون دفاع کینیم؟ ایما منه حضور خدا و می گسلی گپ ایزنیم که منه مسیح ین، و هر چه ایکنیم، ای عزیزل، سی تقویت ایمون ایشایه. ۲۰ سی یکه زلم ایزه که بیام طیتون و ایشا نه اوطوری که ایخوام، نبینم، و ایشا هم منه طوری که ایخیت، نبینیت. زلم ایزه مابین ایشا جردعوا، خسودی، خشم، دشمنی، بُهتون، غیبت، غدی و هرکی هرکی بو. ۲۱ م زلم ایزه که وختی اُمیلا بیام طیتون، خدا یه دَفده منه منه حضور ایشا کوچک نظم کینه و م مجبور بوم و خاطر یه پاره ای که نهاتر گنا کِردنه و و ناپاکی، بی عفتی و عَرَق خری خِشون توبه نکردينه، غم و بار وابوم.

آخِرین هِستارَل

۱۳ یه سومین دَفه یه که ایام طیتون. «هر بُهتونی و گواپی دو یا سه شاهد، ثابت ایابو.» ۲ م و اونگی که نهاتر گنا کِرده بین و و تموم مردم هِستار دام و ایسه منه نبینم و شون هِستار اییم، هموطو که دَفه دوم که دییمتون هِستار دام، که آر اُمیلا بیام و شون

ای آیم ایبالم. اما درمورد حُوم، غیر ضَعْلَم و چیئی نیبالم. ۶ آر یخوام و حُوم ببالم، نه نَعْم، سی یکه حقیقته ایگم. اما ای کار نیکم، نَکینه کسی گمون کینه م گپوتر و اوچیئی یم که منم ایبینه و و م ایشنفه.

۷ اوسه سی یکه گپویی بی حد حساب ای مکاشفه تِل غَدَم نَکینه، خاری منه بِنَم و م دایه وای، قاصدی و طرف شیطون، تا عذابم بییه و نَله غَد وابوم. ۸ سه دَفه و خداوند التماس کِردم که وه نه و م وگره، ۹ اما خداوند و م گت: «فیض م سی ت بَسه، سی یکه قدرت مو منه ضعف کامل ایابو.» پ بی شای بیشتر و ضَعْلَم ایبالم تا قدرت مسیح بیایه و ریم. ۱۰ پ، و خاطر مسیح، منه ضَعْل، دِشموئل، تنگی یل، جفایل، بلایل، راضی یم، سی یکه وختی ضعیفم، اوسنه که قوی یم.

هول وهراس پوئس سی کَلِیسی فُرْنُتس

۱۱ م نَعْم وای یمه! ایشا مجبورم کِردیت. سی یکه ایبایس و م تعریف ایگردیت، سی یکه هرچن هیچم، اما و او «رسولل گپو» چیئی کم نیارم. ۱۲ نِشونه تِل یه رسول واقعی بی نهایت صبور، مابین ایشا انجوم وای، بی نِشونه تِل و چیتل عجیب و کارل گپو. ۱۳ سی یکه منه چه چیئی کمتر و باقی کلیسائل وتون لطف وای یه، غیر یکه و ته باری و کولتون ننهامه؟ ای اشتباه منه بُویخشیت!

۱۴ ایسه آماده یم سی دَفه سوم بیام طیتون، و باری نینم و کولتون. سی یکه مالتونه نیخوام، بلکه ختونه ایخوام. سی یکه نه اولادین که بایس سی دی بُوشون ذخیره کین، بلکه دی بُو سی اولادلشون ذخیره ایکن. ۱۵ م بی دل و جون سی جون ایشا خرج ایکنم و جونمه هم اییم.

ضعیفیم و ایشا قوی بیت، باعث شاییمون
ایابو، دِعی ایما ینه که ایشا آزنو بَنا وایت.
۱۰ سی هَمیو، مِیه نَبِیْتُم ای چِیْلَه سیتون
اینوبِیْسُم تا وختی اوْمَم طیتون، مجبور نَبوم و
اقتدارِ حُوم بی تندی استفایه کِنُم، اقتداری که
خداوند سی بَنا کِرْدَن وَم دایه نه سی خراب
کِرْدَن.

آخِرِ سَر

۱۱ آخِرِ سَر، ای گَکَال، شای کِنیت؛ فِکرتون
یه بو که آزنو فُوتِ بَگِرت؛ یَگه تشویق
کِنیت؛ بی بَک هُم نظر بیت؛ مِیه صلح وُ صفا
زندی کِنیت، و خِدی محبت وُ صلح وُ سلامتی
بی ایشا بو.
۱۲ وُ یَک بی بوسِ مقدس سلام کِنیت.
۱۳ تَموم ایموندارل، وُتون سلام ایرسون.
۱۴ فیض خداوند عیسی مسیح، محبتِ خدا
و رفاقتِ روح القدس بی تَموم ایشا بو.

نیگدُرُم- ۳ سی یَکه ایشا دلیل ایخیت وُ یَکه
مسیح وُ وسیله م گپ ایرنه. وُ دَر قبال ایشا نه
ضعیفه، بلکم مِلاتون زورداره. ۴ سی یَکه هَرچَن
مِیه ضعف وُ صلیب وای، اَمّا بی قدرتِ خدا
زندی ایکنه. سی یَکه، ایما هَم مِیه وُ ضعیفیم،
اَمّا دَرموردِ ایشا بی قدرتِ خدا زندی ایکنیم.
۵ خِتوَنه امتحان کِنیت تا بونیت مَه مِیه
ایمونیت وا نه. خِتوَنه امتحان کِنیت. مَه ینه
دَرموردِ خِتون نِیْقَمیت، که عیسی مسیح مِیه
ایشایه؟ غَیر یَکه مِیه ای امتحان رِفوَره وایت!
۶ امیدم وُ ینه که بَقَمیت ایما مِیه ای امتحان
رِفوَره نَوَابِیْیمه. ۷ اَمّا ایما وُ خدا ایخیم که
ایشا خطایی نَکِنیت؛ نه سی یَکه معلوم وایو که
ایما وُ امتحان سَرقرار اوْمِیه وُ دَر، بلکم تا ایشا
اوچی نه که دِرسه بَکِنیت، هَرچَن وُ نظر بیا
که ایما رِفوَره وایبِیْیمه. ۸ سی یَکه ایما نِیْتریم
هیچ کاری بَرخلافِ حقیقت کِنیم، بلکم هرچه
ایکنیم سی حقیقتِه. ۹ سی یَکه هر وخت ایما